



Inatsisartuni ilaasortat Siverth K. Heilmann aamma Steen Lyngge
Atassut

§ 37 naapertorlugu apeqqut nr. 009-mut inuttalersuisarnermut akissut

Brevdato: 05-02-2016
Sags nr. 2016-1318
Dok. nr. 2035844

Asasakka Siverth aamma Steen.

P. O. Box 1037
3900 Nuuk

Kalaallit imaatigut angallataanni inuttaasut aqumiullu katitigaanerannut, tassunga ilanngullugu inuit Kalaallit Nunaanni nunaqavissut kiisalu Kalaallit Nunaanni najugaqartut agguataarsimaneri pillugit apeqqutersi naapertorlugu makku paasissutissiissutigisinnaavakka.

Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Kalaallit aalisariutaanni inuttalersuisarnek pillugu Namminersorlutik Oqartussat nalunaarutaat nr. 13, 17. november 2011-imeersoq naapertorlugu Kalaallit Nunaanni Aalisarsinnaanermut Akuersissutinik Nakkutilliisoqarfik (KANUAANA), angallatinit Kalaallit Nunaanni nalunaarsorsimasunit, 24 meterinillu takinerusunit tamanit inuttat allattorsimaffiinik pissarsisarpoq.

Angallatini tamani aqumiut kiisalu inuttat sinnerisa 60 procentii Kalaallit Nunaanni inunnik nalunaarsuiffimmut, ukiunilu kingullerni marlunni inunnik nalunaarsuiffimmi allassimanissaat nalunaarummi piumasarineqarpoq, piumasaqaammi maskincheffit, maskinmesterit, fabriksteknikerillu ilaatinneqanngillat. Piumasaqaat taanna kalaallit aalisariutaanni sulisinnaanermut tunngatillugu Kalaallit Nunaanni angerlarsimaffeqartutut inatsisit piumasaqaatigaat.

Takusutissiivimmi tulliuuttumi Kalaallit Nunaanni inunnik nalunaarsuiffimmi allassimanissamut piumasaqaammut kiisalu nunaqavissutut nalunaarsorsimanerat pillugu, inuttat atorfinni assigiinngitsuni marlunni ataatsimi arlalinniluunniit atorfeqartut nalunaarsorneqarsimasut procentinngorlugit takutinneqarput.

Inuit aqumiutut aamma/imaluunniit inuttatut atorfeqarsimasut (procentinngorlugit)								
	2013				2014			
	Allattorsimaffinni tamani nunaqavissut	Allattorsimaffinni tamani nunaqavissuunngitsut	Allattorsimaffiit ilaanni, tamaniunngitsorli nunaqavissut	Katillugit	Allattorsimaffinni tamani nunaqavissut	Allattorsimaffinni tamani nunaqavissuunngitsut	Allattorsimaffiit ilaanni, tamaniunngitsorli nunaqavissut	Katillugit
Ukiup ingerlanerani inuit aqumiutut atorfeqarsimasut	76,8%	22,5%	0,7%	100%	68,9%	30,0%	1,1%	100%
Ukiup ingerlanerani inuttatut atorfeqarsimasut	95,3%	4,7%	0,0%	100%	89,5%	10,2%	0,3%	100%

Takussutissiami siuliani takutinneqartumi inuit ukiut ingerlanerani ataatsimik arlalinnilluunniit atorfeqarsimasut pineqartut, taamaalillunilu piffissaq tamaat atorfeqartunut takussutissiiuinngitsoq erseqqissaatigineqassaaq. Taamaalilluni inuttat ilaat ukiup ingerlanerani aalisartutut aqumiutullu atorfeqartutut nalunaarsorneqartarput, taamaalillutillu atorfinni tamani ilanngullutik nalunaarsorneqarsimallutik.

Inussiarnersumik inuulluaqqusillunga
Med venlig hilsen

Randi Vestergaard Evaldsen